


證治準繩

類方 七之下

漢書門	一	二	三	四	五	六	七	八	九	十
類	號	函	架	冊	冊	冊	冊	冊	冊	冊

漢書	三	二	一	函	冊	架
類	號	冊	冊	冊	冊	冊

內閣文庫	
番號	漢 12548
冊數	80 (78)
函號	301 61



治暑月或行路目昏澀多眵粘者以生龍腦薄

眼疾

治暑月或行路目昏澀多眵粘者以生龍腦薄

荷伍柒葉淨洗手揉爛以生絹挾汁滴入眼

中妙

治眼目昏暗

用園桑老皮燒灰水壹盞煎至柒分去滓澄

清洗壹週年如童子眼光明并開洗眼日于

後

正月初八 二月初十 三月初五

目録 類一 百三

四月初八 五月初八 六月初七

七月初七 八月初三 九月初十

十月初九 十一月初十 十二月二十二

又方 用朴硝陸錢重用水壹盞煎至捌分候
冷定澄清下次分定每月壹日洗至壹年之
間眼如童子光明

正月初一 二月初八 三月初四

四月初五 五月初五 六月初四

七月初五 八月初一 九月十三

十月十三 十一月十六 十二月初五

青魚膽方治目暗

右用青魚膽汁滴目中

又方用鷹眼睛壹對炙乾搗末研令極細以人
乳汁再研每以銅筋取少許點於瞳人上日
夜參度可以夜見物或取臘月雉鴿眼依上
法用効參日見碧霄中物忌烟熏

金絲膏 治一切目疾昏暗如紗羅所遮或疼
痛

目録 類一 百三

宣黃連

半兩剉碎水壹盞浸壹宿取汁再添水半盞浸滓經半日絞取汁處

前汁放壹處滓別用水半盞浸

蜜

壹兩

白礬

壹字

莽鹽

壹分如無以青鹽代

山梔子

好者貳錢槌碎與黃連滓同煮伍柒拾沸取盡力沫濾去滓與前黃

連汁壹處入餘藥

右用銀磁器內熬十餘沸用生絹上細紙數

重再濾過用時常點

點鹽法

明目去昏翳大利老眼得補益之良

右以海鹽隨多少淨揀以百沸湯泡去不淨

濾取清汁於銀石器內熬取雪白鹽花用新

瓦器盛每早用壹大錢作牙藥揩擦以水漱

動用左右手指背遞互口內蘸鹽津洗兩眼

大小皆內閉目良久却用水洗面名洞視干

里明目堅齒實為妙法東坡手錄目赤不可

具湯浴并忌用湯泡足湯驅體中熱併集於

頭目喪明必矣

救睛丸

見旋螺尖起

決明夜靈散

治目至夜則昏雖有燈月

頁七

百四

亦不能觀

石決明

另研

夜明砂

另研各貳錢

猪肝

壹兩生用不食猪者以白羯羊肝代

右二藥末和勻以竹刀切肝作兩片以藥鋪於壹片肝上以壹片合之用麻皮纏定勿令藥得泄出淘米泔水壹大碗貯沙罐內不犯鐵器入肝藥於中煮至小半碗臨睡連肝藥汁服之

右方以決明鎮腎經益精為君夜明沙升陽

主夜明為臣米泔水主脾胃為佐肝與肝合引入肝經為使

蛤粉丸

治雀目日落不見物

蛤粉

細研

黃蠟

等分

右熔蠟搜粉為丸如棗大每劑猪肝壹片貳兩許剉開裹藥壹丸麻線纏入罐內水壹碗煮熟傾出乘熱薰目至溫喫肝以愈為度

瀉肺飲

治肝虛雀目恐變成内障

防風

去義

黃芩

去黑心

桔梗

炒

芍藥

大黃

炒各壹兩

右剉碎每服參錢匕水壹盞半煎至壹盞入芒硝半字去滓放溫食後臨卧服

猪肝散 治雀目

蛤粉

黃丹

夜明沙

各等分

右末猪肝切開入藥末用線紮米泔水煮熟不拘時嚼服原汁送下

夜明丸 治雀目青盲

夜明沙

木賊

防風

田螺殼

青木香

細辛

各等分

右爲末爛煮猪肝用末藥於淨沙盆內研令極勻丸如桐子大每服參拾丸米飲或酒下

轉光丸 治肝虛雀目青盲

生地黄

白茯苓

川芎

蔓荊子

熟地黄

防風

山藥

白菊花

細辛

各等分

右爲末煉蜜和丸如梧子大每服貳拾丸空心桑白皮湯送下

雀目瘖眼法寶鑑

小兒雀目夜不見物灸手大指甲後壹寸內
廉橫文頭白肉際灸壹炷如小麥大

小兒疳眼灸合谷貳穴各壹壯炷如小麥大
在手大指次指兩骨間陷者中按灸法詳見資生等經茲

不備錄

神水將指瀉膽散 治瞳仁乾缺外障

玄參 黃芩 地骨皮

麥門冬 知母各壹兩 黃芪

茺蔚子各壹兩半

每服伍錢水壹盞煎伍分去滓食後溫服

轉關天門冬飲子

天門冬 茺蔚子 知母各貳兩

五味子 防風各壹兩 人參

茯苓 羌活各壹兩半

每服伍錢水壹盞煎伍分去滓食後溫服

玄參瀉肝散

麥門冬貳兩 大黃 黃芩

轉關 頁之七 頁之三

細辛

芒硝 各壹兩

玄參

桔梗

各壹兩半

右水煎食後服

交明冬湯

見目赤

雙目睛通

牛黃膏

治小兒通睛

牛黃

壹錢

犀角

貳錢

甘艸

壹分貳釐

金銀箔

各伍片

右為末煉蜜丸菉豆大每服柒丸薄荷湯下

倒睫拳毛

黃芪防風飲子

治眼稜緊急以致

倒睫拳毛損睛生翳及上下瞼皆赤爛羞澀

難開眵淚稠粘

蔓荆子

黃芩

各半錢

炙甘草

黃芪

防風

各壹錢

葛根

壹錢半

細辛

貳分

一方有人參

當歸

柒分半

水貳盞煎至壹盞去滓大熱服

一方只葛根防風蔓荆子

細辛甘草餘藥不用名神効明目湯

右方以蔓荆子細辛為君除手太陽手少陰

之邪肝為二經之母子平母安此實則瀉其

子也以甘草葛根為臣治足太陰足陽明之

惟明孝子 類之 百四
弱肺爲二經之子母薄子單此虛則補其母也黃芪實皮毛防風散滯氣用之以爲佐黃芩療濕熱去目中赤腫爲之使也

無比蔓荆子湯 治證同上

黃芪

人參

生甘草

各壹錢

黃連

柴胡

蔓荆子

各一分

當歸

葛根

防風

各伍分

細辛葉

叁分

水貳盞煎至壹盞去滓稍熱服

右方爲肺氣虛黃芪人參實之爲君心受邪黃連除之肝受邪柴胡除之小腸受邪葛根子除之爲臣當歸和血葛根解除爲佐防風療風散滯生甘草大瀉熱火細辛利九竅用葉者取其升上之意爲使也

決明益陰丸

見目痛

菊花決明散

見目赤

瀉肝散

洗刀散

五退還光散

五退散

皂角丸

俱見前

青黛散

治眼倒睫神效

棗樹上黃直棘針

刺蝟皮 炒焦

白芷

青黛 各等分

為細末口噙水左眼倒睫左鼻內噙之右眼倒睫右鼻內噙之

四退散 治倒睫拳毛

蟬退

蛇退 醋煮

猪蹄退 炒

蠶退

荆芥 各貳錢半

川烏 炮

穿山甲 燒

粉草 各半兩

右為末每服壹錢淡鹽湯調下又方加防風

石決明草決明 各伍錢

起睫膏

木鼈子 去殼壹錢

自然銅 伍分製

右搗爛為條子噙鼻又以石燕去入片腦少許研水調敷眼弦上

起倒睫 用石燕為細末先鑷去睫毛次用水

調末貼眼弦上常以黃連水洗之

神急緊小

神効黃芪湯 治兩目緊急縮小羞

明畏日或隱澀難開或視物無力睛痛昏花

手不得近或目少睛光或目中熱如火服伍陸次神効

黃芪 貳兩

人參 去蘆

炙甘艸

白芍藥 各壹兩

陳皮 去白半兩

蔓荊子 貳錢

每服肆伍錢水壹盞捌分煎至壹盞去滓臨卧稍熱服如小便淋澀加澤瀉伍分如有大熱證加黃檗叁錢酒炒肆次如麻木不仁雖有熱不用黃檗再加黃芪壹兩如眼緊小去芍藥忌酒醋濕麵大料物葱韭蒜及淡滲生

冷硬物

撥雲湯 見外障

連翹飲子 治目中溜火惡日與火隱澀小角緊久視昏花迎風有淚

連翹

當歸

紅葵花

蔓荊子

人參

甘草 生用

生地黄 各叁分

柴胡 貳分

黃芩 酒製

黃芪

防風

羌活 各半錢

升麻 壹錢

右剉每服伍錢水貳盞煎至壹盞去滓食後
稍熱服

雷巖丸 見目昏

蟬花無比散 見通治

脾肉粘輪排風散 治兩瞼粘睛外障

天麻 桔梗 防風 各貳兩

五味子 烏蛇 細辛

与藥 乾蠍 各壹兩

右爲細末每服壹錢食後米飲調下

龍膽丸 治眼兩胞粘睛赤爛成瘡

苦參 龍膽草 牛蒡子 各等分

右爲末煉蜜丸如梧桐子大每服貳拾丸食
後米泔下

廣大重明湯 見外障

風沿爛眼 紫金膏 見前

菊花通聖散 治兩瞼潰爛或生風粟

白菊花 壹兩半 滑石 叁兩 石膏

黃芩 甘草 桔梗

牙硝 黃連 羌活 各壹兩

防風

川芎

當歸

赤芍藥

大黃

薄荷

連翹

麻黃

白蒺藜

芒硝

各半兩

荆芥

白朮

山梔子

各貳錢半

右咬咀每服參錢水壹盞半生薑叁片同煎

柒分食後服

洗刀散

見前

柴胡散 治眼眶澀爛因風而作用氣藥燥之

柴胡

羌活

防風

赤芍藥

桔梗

荆芥

生地黄

甘草

右水煎服

撥雲散

見外障

蟬花無比散

見通治

黃連散 治眼爛弦風

黃連

防風

荆芥

赤芍藥

五倍子

蔓荆子

覆盆子根

即甜勾根

右煎沸入鹽少許濾淨又入輕粉末少許和勻洗眼亦効

爐甘石散 治爛風眼

以爐甘石不拘多少先用童便煨淬柒次次用黃連濃煎汁煨淬柒次再用穀雨前茶芽濃煎煨淬柒次又併參汁餘者合壹處再煨淬參次然後安放地上壹宿出火氣細細研入水片麝香點上神妙煨時須用好紫銷炭極大者鑿一穴以安爐甘石

目淚不止 當歸飲子

當歸

大黃

柴胡

人參

黃芩

甘草

芍藥

各壹兩

滑石

半兩

右剉細每服參錢至伍錢水壹盞生薑參片同煎柒分去滓溫服

河間當歸湯 治風邪所傷寒中目淚自出肌瘦汗不止

當歸

人參

各參兩

官桂

日湯 類方 百五

陳皮 各壹兩 乾薑 炮 白朮

白茯苓 甘艸 川芎

細辛 白芍藥 各半兩

右為末每服貳錢水壹盞生薑參片棗貳枚同煎至捌分去查熱服不計時併參服

枸杞酒 治肝虛當風眼淚

右用枸杞子最肥者貳升搗破內絹袋置罈中以酒壹斗浸訖密封勿泄氣候參柒日每日取飲之勿醉

二妙散 養肝氣治目昏視物不明淚下

當歸 熟地黄 各等分

右為細末每服貳錢匕不拘時無灰酒調下治肝虛或當風眼淚鎮肝明目

右用臘月牯牛膽盛黑豆不計多少浸候百日開取食後夜間吞參柒粒神効

洗肝湯 治肝實眼

人參 黃芩 去黑心 赤茯苓 去黑皮

山梔子仁 芎藭 柴胡 去苗

類方 百五

地骨皮

甘菊花

桔梗

炒各壹兩

黃連

去鬚

甘草

炙各半兩

右咬咀每服參錢水壹盞入苦竹葉柴片煎至柴分去滓食後服

瀉肝湯

治目熱淚生糞者脾肝受熱故也

桑白皮

壹兩

地骨皮

貳兩

甘艸

伍錢炒

右咬咀每服參錢白水煎食後服

木賊散

治眼出冷淚實則用此

木賊

蒼朮

蒺藜

防風

羌活

川芎

甘草

右水煎服

決明子方

治肝經熱止淚明目治風赤眼

右以決明子朝朝取壹匙接令淨空心水吞

下百日見夜光一方取決明作菜食之

羌活散

治目風冷淚久不瘥

羌活

去蘆貳兩

木香

官桂

去麋皮

胡黃連

山藥

升麻

艾葉

焙各壹兩

牛膝

酒浸切焙

山茱萸

去核

白附子

炮各柒錢半

右剉每服參錢水壹盞煎至捌分去滓食後

溫服日叁

羌活散 治風氣攻眼昏澀多淚

羌活

川芎

天麻

旋覆花

藁本

防風

蟬蛻

洗

甘菊花

細辛

杏仁

去皮各壹兩

炙甘草

半兩

右為細末每服貳錢新水壹盞半煎食後服

菊花散 治目風淚出

蒼朮

肆兩肥者用銀石器入河水同皁莢壹寸煮壹日去皁莢取朮銅刀刮去

黑皮曝乾取叁兩

菊花

木賊

新者

草决明

洗曝乾

荆芥穗

旋覆花

甘草

炙各壹兩

蟬蛻

洗焙柒錢半

蛇蛻

洗炙貳錢半

右為細末用不津器盛每服壹錢臘茶半錢

同點空心臨卧時服

蟬蛻餅子 治目風冷淚去翳暈

類方一
皇二

蟬蛻 洗焙 木賊 新者 甘菊花 各壹兩

荊芥穗 芎藭 各貳兩 蒼木 米泔浸焙參兩

草炙半兩

不為細末煉蜜和捏作餅子如錢大每服壹餅食後細嚼臘茶送下日叁

阿膠散 治目有冷淚流而不結者肝經受風冷故也

阿膠 白屈菜 各壹兩半 紫苑

款麻木 壹兩 甘 半兩 白蒺藜 貳錢半炒

糯米 壹兩

右咬咀每服貳錢水壹盞半煎捌分溫服不拘時候

本事方治頭風冷淚麗安常二方

甘菊花 决明子 各貳錢 白木

羌活 川芎 細辛

白芷 荊芥穗 各半兩

又方 右為細末每服壹錢食後溫湯調下日叁

類方一
皇二

川芎

甘菊

細辛

白芷

白朮

各等分

右為末蠟丸如黍米犬夜臥服壹丸日中壹
時辰換壹丸

川芎丸

本

治風盛隔壅鼻塞清涕熱氣攻眼

下淚多眵齒間緊急作頭痛

川芎

柴胡

各壹兩

半夏麩

甘草

甘菊

人參

前胡

防風

各半兩

右每服肆錢水壹盞生薑肆片薄荷伍葉同

煎柒分去渣溫服

銀海止淚方

蒼朮

米泔浸壹兩半

木賊

去節貳兩

香附子

炒去毛

右為末煉蜜丸如桐子大食後鹽湯下叁丸

治冷淚方

夏枯草

香附子

各等分

右為細末麥門冬湯調下

又方用胞棗壹枚去核以花椒貳拾粒入內用

濕紙裹煨熟細嚼白湯下

立應散 治冷淚

椽斗子 壹箇 甘草 叁錢

右為細末每服貳錢熟水調下

楮實散 治冷淚

楮實子 去白膜炒 夏枯草 甘草 各半兩

香附子 炒 夏桑葉 各壹兩

右為細末熟水調服不拘時

白殭蠶散 治衝風淚出

白殭蠶 炒 粉草 細辛

旋覆花 木賊 各伍錢 荆芥 貳錢半

嫩桑葉 壹兩 右水煎食後溫服

真珠散 治肝虛目風淚出

真珠 研 丹砂 研各叁分 乾薑 研貳分

貝齒 伍枚以炭火煨為細末

右研極細令勻以熟絹帛羅參遍每仰臥以少許點眼中合眼少時

乳汁煎 治風淚澀痒

人乳 壹升

黃連 去鬚研取末 柒錢半

蕤仁 研爛 壹兩

乾薑 炮為末 貳錢半

右除乳外再同研極細以乳漬壹宿明日內
銅器中微火煎取叁合綿濾去滓每以黍米
大點背中勿當風點

止淚散 治風眼流淚不止

爐甘石 壹錢 海螵蛸 叁分 片腦 伍釐

右研細點眼大背頭目井口淚自收二藥燥
要加腦和則不澀也

麝香散 治眼冷淚不止

香附子 川椒目 各等分 蒼朮

麝香 各少許 右為細末吹鼻中

目瘡疔 消毒飲 治瞼生風粒

大黃 荆芥 牛蒡子

甘艸

右水煎食後溫服

防風散結湯 治目上下睫隱起肉疔用手法
除病後服之

防風 羌活 白芍藥

當歸尾 茯苓 蒼朮

獨活 前胡 黃芩各伍分

炙甘草 防已各陸分 紅花

蘇木各少許

右作壹服水貳盞煎至壹盞熱服查再煎

右方以防風羌活升發陽氣為君白芍藥當

歸尾紅花蘇木破凝行血為臣茯苓瀉邪氣

蒼朮去上濕前胡利五臟獨活除風邪黃芩

療熱滋化為佐甘草和諸藥防已行十二經

為使病在上睫者加黃連柴胡以其手少陰

足厥陰受邪也病在下睫者加藁本蔓荊子

以其手太陽受邪也

漏睛 五花丸 治漏睛膿出目停風熱在胞中

結聚膿汁和淚相雜常流涎水久而不治至

烏珠墜落

金沸草肆兩 巴戟參兩 川椒皮

枸杞子 白菊花各貳兩

右末煉蜜丸梧桐子大每服貳拾丸空心鹽酒下

白薇丸 治漏睛膿出

白薇 伍錢 防風 蒺藜

石榴皮 羌活 各叁錢

右末米粉糊丸桐子大每服貳拾丸白湯下

糖煎散 見外障

治眼膿漏不止

黃耆 防風 大黃

黃芩 各叁兩 人參 遠志 去心

地骨皮 赤茯苓 蒲蘆 各貳兩

右每服伍錢水煎食後服

竹葉瀉經湯 治眼目癢澀翳障眩暈視物微

昏內眦開竅如鍼目痛按之浸淚膿出

柴胡 梔子 羌活

升麻 炙甘草 黃蘆

大黃 各伍分 赤芍藥 葶藶明

茯苓 車前子 澤瀉 各肆分

黃芩

陸分

青竹葉

壹拾片

作壹服水貳觔煎連薑連食後稍熱服

右方逆攻者也先以行足厥陰肝足太陽膀胱之藥為君柴胡羌活是也二經生意皆總於脾胃以調足太陰足陽明之藥為臣升麻甘草是也肝經多血以通順血脉除肝邪之藥膀胱經多濕以利小便除膀胱濕之藥為佐赤芍藥草決明澤瀉茯苓車前子是也總破其積熱者必攻必開必利必除之藥為使

梔子黃芩黃連大黃竹葉是也

蜜劑解毒丸

治證同上

石蜜

煉壹斤

山梔

拾兩

大黃

伍兩

杏仁

去皮尖貳兩另研

蜜丸梔子大每服叁拾丸加至百丸茶湯下

右方以甘潤治燥為君為燥為熱之原也山梔子微苦寒治煩為臣為煩為熱所產也石蜜甘平溫安五臟為佐為其解毒除邪也大黃苦寒性走不守瀉諸實熱為使為攻其積

不令其重疊不解也

東垣龍膽飲子 治肝眼流膿生疳翳濕熱為病

黃芩炒

青蛤粉

草龍膽酒拌炒焦

羌活各參錢

升麻貳錢

麻黃壹錢半

蛇退

穀精草

川鬱金

炙甘草各半錢

右為細末食後茶調服貳錢

能遠視不能近視 地芝丸 亦能治脉風成癘

生地黄焙

天門冬去心各肆兩

枳殼炒

甘菊花去蒂各貳兩

右為細末煉蜜丸如桐子大每服壹佰丸茶

清送下

能近視不能遠視 定志丸

遠志去苗心

菖蒲各貳兩

人參

白茯苓去皮各壹兩

為細末煉蜜丸以朱砂為衣每服拾丸加至貳拾丸米飲下食後

目閉不開

助陽活血湯

見目痛

目為物所傷

除風益損湯

熟地黄

當歸

白芍藥

川芎

各壹錢

藁本

前胡

防風

各柒分

作壺服水貳觔煎壹觔去滓大熟服

右方以熟地黄補腎水為君黑睛為腎之子
此虛則補其母也以當歸補血為目為血所
養今傷則血病白芍藥補血又補氣為血病

氣亦病也為臣川芎治血虛頭痛藁本通血
去頭風為佐前胡防風通療風邪俾不凝留
為使兼治亡血過多之病傷於眉骨者病自
目系而下以其手少陰有隙也加黃連療之
傷於頰者病自抵過而上傷於耳者病自銳
眚而入以其手太陽有隙也加柴胡療之傷
於額交顛耳上角及腦者病自內眚而出以
其足太陽有隙也加蒼朮療之傷於耳後耳
角耳前者病自客主人斜下傷於頰者病自

銳眦而入以其足少陽有隙也加龍膽草療之傷於額角及巔者病自目系而下以其足厥陰有隙也加五味子療之凡傷甚者從權倍加大黃瀉其敗血眇多淚多羞澀赤腫者加黃芩療之

加減地黄丸 治目為物傷

生地黄

酒蒸

熟地黄

各半斤

牛膝

當歸

各叁兩

枳殼

貳兩

杏仁

去皮

羌活

防風

各壹兩

一本各等分

為細末煉蜜丸如桐子大每服叁拾丸空心食前溫酒送下淡鹽湯亦可

右方以地黄補腎水真陰為君夫腎水不足者相火必盛故生熟地黄退相火也牛膝逐敗血當歸益新血為臣麩炒枳殼和胃氣謂胃為多血生血之所是補其原杏仁潤燥謂血少生燥為佐羌活防風俱升發清利大除風邪為七情五賊饑飽勞役之病睛痛者與當歸養榮湯兼服傷寒愈後之病及血少血

虛血亡之病俱宜服也

補肝丸

補腎丸

石決明丸

阜角丸

生熟地黄丸

俱見內外障

加味四物湯

治打損眼目

當歸

川芎

白芍藥

熟地黄

防風

荆芥

各等分

右咬咀為散每服參錢水壹盞半煎至壹盞再入生地黃汁少許去滓溫服再以生地黃

壹兩杏仁貳拾粒研細用綿子裹藥敷在眼上

令乾再將瘦猪肉薄切粘於眼上再服局方黑神散

局方黑神散

蒲黃

熟地黄

肉桂

當歸

赤芍藥

白薑

甘草

各等分

右為末童子小便生地黃汁相和調服

內消散 治傷損眼

羌活

獨活

蘇木

紅內消 當歸 川芎

大黃 鈞鈎藤 白芷

紅花 桃仁 甘草節

赤芍藥 生地黄 瓜蒌根

紫金皮 金鎖匙 血竭草

右水煎食後服次用生地黄壹兩杏仁伍拾枚搗

爛貼眼上復以精猪肉貼之

又方

羌活 獨活 紅內消

蘇木 赤芍藥 鈞藤

白芷各伍錢 甘草節叁錢 地榆

瓜蒌根各肆錢

右咬咀每服叁錢白水煎食後服

經效散 治撞刺生翳

大黃 當歸 芍藥各半兩

粉草 連翹各貳錢半 北柴胡壹兩

犀角壹錢 右水煎食後服

一綠散 治打撲傷損眼胞赤腫疼痛

芙蓉葉 生地黄 各等分

右搗爛敷眼胞上或為末以鷄子清調勻敷

治目被物刺損有翳

生地黄 生薄荷 生巨葉

生土當歸 朴硝

右不拘多少研爛貼太陽二穴

傷寒愈後之病 人參補陽湯 治傷寒餘邪不

散上走空竅其病癰澀赤脹生翳羞明頭腦

骨痛

羌活 獨活 各陸分 白芍藥

生地黄 澤瀉 各參分 人參

白朮 茯苓 黃耆

炙甘草 當歸 熟地黄 酒洗焙 各肆分

柴胡 防風 各伍分

作壹服水貳觔煎至壹盞去粗熱服

右方分利陰陽升降上下之藥也羌活獨活

為君者導陽之升也茯苓澤瀉為臣者導陰

之降也人參白朮大補脾胃內盛則邪自不

容黃芪防風大實皮毛外密則邪自不入為之佐也當歸熟地黄俱生血謂目得血而能視生地黄補腎水謂神水屬腎白芍藥理氣柴胡行經甘草和百藥為之使也

羌活勝風湯 見外障 加減地黄丸 見前

嚙鼻碧雲散 見目赤

前胡犀角湯 治傷寒兩目昏暗或生浮翳

前胡 去蘆 犀角屑 蔓荊子

青箱子 防風 去義 梔子仁

麥門冬 去心 生地黄 焙 菊花

羌活 去蘆 决明子 微炒 車前子 微炒

細辛 甘草 炙各壹兩 黃芪 壹兩

右剉每服伍錢水壹盞半煎至捌分去滓食後温服

羌蔚子丸 治時氣後目暗及有翳膜

羌蔚子 澤瀉 各壹兩半 枸杞子

青箱子 枳殼 去瓢 生地黄 焙各壹兩

石决明 麥門冬 去心 細辛 去苗葉

車前子 各貳兩 黃連 去鬚 參兩

右為細末煉蜜丸如梧子大每服參拾丸食後漿水送下

瀉肝散 治天行後赤眼外障

知母 黃芩 桔梗 各壹兩半

菴蔚子 大黃 玄參

羌活 細辛 各壹兩

右剉每服伍錢水壹盞半煎至伍分去滓食後溫服

痘疹餘毒 羚羊角散 治小兒痘疹後餘毒不

解上攻眼目生翳羞明眵淚俱多紅赤腫閉

羚羊角 鎊 黃芩 黃芪

草決明 車前子 升麻

防風 大黃 芒硝 各等分

作壹服水壹觥煎半觥去滓稍熱服

右方以羚羊角主明目為君升麻補足太陰以實內逐其毒也黃芪補手太陰以實外禦其邪也為臣防風升清陽車前子瀉濁陰為

瘡癩會要 卷之十 百七
佐草決明療赤痛淚出黃芩大黃芒硝用以
攻其錮熱爲使然大黃芒硝乃大苦寒之藥
智者當量其虛實以爲加減未滿二十一日
而目疾作者消毒化癩湯主之
消毒化癩湯 治小兒癩疹未滿二十一日而
目疾作者餘治同上

羌活

升麻

防風

麻黃

各伍分

黃連

當歸

酒黃蘗

連翹

各叁分

藁本

酒黃芩

生地黄

蒼朮

泔浸炒

川芎

柴胡

各貳分

細辛

白朮

生芩

陳皮

生甘艸

蘇木

葛根

各壹分

吳茱萸

紅花

各半

作壹服水貳觔煎至壹觔去滓稍熱服
右方功非獨能於目蓋專於癩者而置也今
以治癩之劑治目者以其毒尚熾盛又傷害
於目也夫癩疹之發初則胸臑壬水尅小腸

丙火羌活藁本乃治足太陽之藥次則腎經
癸水又尅心火細辛主少陰之藥故爲君終
則二火熾盛反制寒水故用黃芩黃連黃檗
以療二火酒製者反治也生地黃益寒水故
爲臣麻黃防風川芎升發陽氣祛諸風邪葛
根柴胡解利邪毒升麻散諸鬱結白朮蒼朮
除濕和胃生甘艸大退諸熱故爲佐氣不得
上下吳茱萸陳皮通之血不得流行蘇木紅
花順之當歸愈惡瘡連翹除客熱故爲使此

方君臣佐使逆從反正用藥治法具備通造
化明藥性者能知也如未見癩疹之前小兒
耳尖冷呵欠睡中驚嚏噴眼澀知其必出癩
者急以此藥投之甚者則稀稀者立已已後
無二出之患

決明散 治小兒痘疹入眼

決明子

赤芍藥

炙甘草

各貳錢
伍分

天花粉

伍錢

右爲末麝香少許和劑三歲半錢米泔調食

後服

蜜蒙散 治小兒痘疹并諸毒入眼

蜜蒙花

貳錢半

青箱子

決明子

車前子

各伍分

右為末羊肝壹片切開作叁片摻藥合作壹

片濕紙裹於灰火中煨熟空心食之

蛇皮散 治小兒痘瘡入眼成翳

蛇皮

炙黃

天花粉

各等分

右為末三歲壹錢摻入羊肝內米泔水煮食

之又方蟬蛻為末羊肝湯調下

蟬蛻散 治小兒痘瘡入眼半年已裏者一月

取効

猪懸蹄甲

貳兩燒存性為末

蟬蛻

壹兩為末

羯羊肝

焙乾末貳錢半

右上藥三歲壹錢猪肝湯調下食後壹日肆

服一年外難治

浮萍散 治豌豆瘡入眼疼痛恐傷目

右以浮萍草陰乾為末三歲壹錢羊肝壹片

蓋內杖子刺碎入沸湯半錢絞汁調下食後
參兩服立効

瀉青丸 見頭痛

翳散 治目內翳障或瘡疹後餘毒不散

真蛤粉

另研

穀精草

生研為末

各壹兩

右研勻每服貳錢用猪肝參指大壹片批開
摻藥在上捲定再用麻線扎之濃米泔壹碗
煮肝熟為度取出放冷食後臨睡細嚼却用
元煮米泔送下忌一切毒物如齋素只用白

柿同煎前藥令乾去藥食白柿孫盈仲云凡
痘瘡不可食雞鴨子必生翳膜錢季華之女
年數歲瘡疹後兩眼皆生翳只服此藥各退
白膜參重瞳子方瞭然也

穀精散 治斑瘡翳膜眼

穀精草

猪蹄退

炒

菘豆皮

蟬退

各等分

右為末每服參錢食後米泔調下

神功散 治證同上

蛤粉

穀精草

各壹兩

菉豆皮

羌活

蟬退

各伍錢

右為末每服參錢用猪肝壹具入藥末線縫
煮汁同服

通神散 治癰瘡入目内生翳障

白菊花

菉豆皮

穀精草

各等分

右為末每服壹錢乾柿壹箇米泔壹盞同煎
候水乾喫柿不拘時喫參伍柒次柒日得効
遠者不過半月

鱧血方 治痘瘡入眼生翳膜

鱧魚繫其尾倒垂之從項下割破些少取生
血點之於翳上白鱧魚尤佳若翳已凝即用
南礪砂末以燈心蘸點翳上仍用威靈仙仙
靈脾洗晒等分為末每壹錢米泔水調服

通治目疾諸方

蟬花無比散和劑治大人小兒遠年近日一切風

眼氣眼攻注眼目昏暗瞼生風粟或痛或痒
漸生翳膜遮睛視物不明及久患偏正頭風

牽搖兩眼漸漸細小連眶赤爛小兒瘡疹入眼白膜遮睛赤澀隱痛常服驅風退翳明目

蛇退 微炙壹兩

蟬退 去頭足翅貳兩 羌活

當歸 洗焙

石決明 用鹽入東流水煮三伏時漉出搗如粉

川芎 各叁兩

防風 去義 茯苓 去皮

甘草 各肆兩

赤芍藥 拾叁兩 蒺藜 炒去刺半斤

蒼朮 浸去皮炒拾伍兩

右為末每服叁錢食後米泔調服茶清亦得忌食發風毒等物

還睛丸 和劑 治男婦風毒上攻眼目赤腫怕日羞

明多饒眵淚隱澀難開眶痒赤痛瞼背紅爛瘀肉侵睛或患暴赤眼睛痛不可忍者併服

立効又治偏正頭痛一切頭風頭目眩暈

白朮 生用 兔絲子 酒浸另研 青葙子 去土

防風 去蘆 甘草 炙 羌活 去苗

白蒺藜 炒去夫 蜜蒙花 木賊 去節各等分

為細末煉蜜丸如彈子大每服壹丸細嚼白湯下空心食前日叁

七寶散 治風眼除瘀熱

當歸 芍藥 黃連

銅綠 各貳錢 細研 杏仁 朱粒 去皮 白礬

甘草 各壹錢

右吹咀以水同放磁盞內於鍋中頓煎至捌分去滓澄清臨卧洗之

撥雲散 治男婦風毒上攻眼目昏暗翳膜遮

障羞明熱淚隱澀難開眶痒赤痛臉背紅爛 瘀肉侵睛

羌活 防風 柴胡

甘草 炒各 壹兩

右為細末每服貳錢水壹盞半煎至柒分食後薄荷茶清調服菊花湯調亦可忌醃菜魚鮮鹽醬濕麵炙博發風等毒物

蟬殼散 治眼目風腫及生翳膜等疾

蟬殼 地骨皮 黃連 宣州者 去鬚

牡丹皮 去木 白朮 蒼朮 米泔浸 切焙

菊花 各壹兩 龍膽艸 半兩 甜瓜子 半升

右為細末每服壹錢荆芥煎湯調下食後臨
卧各壹服大治時疾後餘毒上攻眼目甚効
忌熱麵炒豆醋醬等

局方蜜蒙花散 治風氣攻注兩眼昏暗眵淚
羞明并暴赤腫

羌活

白蒺藜炒

木賊

蜜蒙花

石决明各壹兩

菊花貳兩

右為末每服貳錢食後茶清調下

三因羌活散 治風毒上攻眼目昏澀翳膜生

瘡及偏正頭風目小黑花累累者

羌活

川芎

天麻

旋覆花

青皮

南星炮

藁本各壹兩

右為末每服貳錢水煎入薑參片薄荷柒葉

本事方羊肝丸

兔絲子

車前子

麥門冬

决明子

茯苓

五味子

枸杞子

茺蔚子

苦苧蘆

蕤仁

地膚子

澤瀉

防風

黃芩

杏仁炒

細辛

桂心

青葙子各壹兩

白羯羊肝

用子肝壹片薄切蕝瓦上炒乾

熟地黄

壹兩半

右為細末煉蜜為丸如梧子大每服參肆拾丸溫湯下日叁

地黄散 治心肝壅熱目赤腫痛赤筋白膜遮

睛散在四邊易治若遽遮黑睛多致失明及

治疹痘入目者

生地黄

熟地黄

當歸

大黃

各柒錢半

穀精草

蒺藜

木通

黃連

防風

生犀角

木賊

玄參

羌活

蟬蛻

粉草各半兩

右為末每服半錢煮猪羊肝汁食後調服

補肝散 治三十年失明

右用七月七日收蒺藜子陰乾搗末食後水

服方寸匕

治積年失明方

右以決明子杵為末食後以粥飲服方寸七

外治 陽丹 治諸般外障赤脉貫睛怕日羞明

沙澀難開胞弦赤爛星翳覆瞳

黃連

黃檗

大黃

黃芩

防風

龍膽草

當歸

連翹

羌活

梔子

白菊花

生地黄

赤芍藥

苦參

蒼朮

麻黃

川芎

白芷

細辛

千里光

腦荷

荆芥

木賊

一方加雞栢樹

根不拘多少此藥樹在根有小刺葉如石

榴葉根色如黃芩單用亦可點洗

右藥以井水洗淨剉碎以井水浸於銅器內

春叁夏貳秋肆冬伍日曬常將手挪出藥味

曬出藥力熟絹濾淨留清汁壹碗以飛藥留

濁汁叁碗以淬藥却用熔銅鍋子壹箇裝打

碎甘石壹斤在內新瓦蓋上松炭固濟燒令透極紅色鉗出少時淬入藥汁內煨淬叁次就將留下清汁飛細礪令千萬餘下澄清去濁曬乾再礪令無聲為度細絹重羅過磁器收貯聽用

爐甘石 壹錢 麝香 叁釐 片腦 壹分

右為細末次入片腦礪熟絹羅過磁器收貯點眼如有翳膜配合陰丹一九二八三七四六等丹

陰丹 治翳膜遮睛血灌瞳人拳毛努肉爛弦風眼諸般眼疾大効如神

爐甘石 壹兩 銅青 壹錢 礪砂 陸分貳釐半

沒藥 貳分 青鹽 叁分柒釐半 乳香 叁分柒釐半

熊膽 壹分貳釐半 蜜陀僧 貳分半

已上捌味用黃連 伍錢 龍膽草 貳錢半 煎汁濾淨

將前藥和一處入汁礪細嫩曬乾再礪極細用之

白丁香 海螵蛸 白礬 生

輕粉 各壹分 柒釐半 硼砂 貳分半 雄黃

牙硝 黃丹 血竭

朱砂 各壹分 貳釐半 鉛白霜 粉霜

鷹條 膽礬 各柒釐半 一方有黃連 陸分 貳釐

胡連腦荷細辛薑粉草烏 各壹分 貳釐半 按已上

陸味並無去翳之功不用更妙恐有礙眼

作痛害眼之禍也一方有石蠟貝齒玄明

粉真珠琥珀 各貳分 按已上五味或多或少

皆可增入以有磨翳消膜之功不可缺也

右各另製細末依方秤合和勻礪令無聲至

千萬餘下磁器收貯聽用如有翳膜配合陽

丹一九二八三七四六等丹點眼大效如神

一九丹 陰 壹分 陽 玖分 礬 生伍釐

二八丹 陰 貳分 陽 捌分 礬 生肆釐

三七丹 陰 叁分 陽 柒分 礬 生叁釐

四六丹 陰 肆分 陽 陸分 礬 生貳釐

陰陽丹 陰 伍分 陽 伍分 礬 生壹釐

清涼丹 陽 壹錢 礬 壹分 礬 生壹釐

小治

類之二

類之三

已上六丹俱用麝香參片腦壹分研勻點眼

日精丹 治一切火熱赤眼爛弦風等證夫日

者陽也陽主輕清故其丹輕也專治一切眼

目稍輕者用此丹也

黃連貳兩

黃檗參兩

龍膽草

防風

大黃

赤芍藥

黃芩

當歸

梔子

各伍錢

白菊花

腦荷

各貳錢

又方可加鷄栢

樹根不拘多少為妙

右浸藥水煨淬爐甘石收貯諸法悉同陽丹

爐甘石

壹兩

朱砂

硼砂

各貳錢

麝香

參分

白礬

生壹分

右為極細末每末壹錢加片腦壹分研細羅

過點眼如有翳膜配和月華丹對勻點之

月華丹 治諸般翳膜努肉等證夫月者陰也

陰主重濁故其丹重也專治一切眼目稍重

者用此丹

爐甘石

壹兩

朱砂

硼砂

各貳錢

白丁香

真珠

珊瑚

琥珀

水晶

碼礪

石蟹

貝齒

礪砂

各貳分

乳香

沒藥

輕粉

青鹽

玄明粉

膽礬

海螵蛸

蚌蛇膽

黃丹

山猪膽

白礬

雄黃

熊膽

牛黃

麝香

各壹分

叁分

右貳拾柒味各另修製淨秤合和勻礪令千

萬餘下磁器收貯如臨用時每末壹錢加梅

花片腦壹分研勻羅過點眼如翳膜重厚者

加礪砂少許如翳膜薄輕者對和日精丹

光明丹 治一切眼目翳膜努肉爛弦赤眼眊

臊緊澀羞明惡日

以下諸方甘石俱製過者

爐甘石

叁錢

朱砂

礪砂

各壹錢

麝香

壹分

片腦

叁分

右各另製細末秤合和勻礪令千萬餘下羅過點眼如翳膜加石蟹真珠各叁分礪砂白

丁香熊膽牛黃琥珀貝齒各壹分研細和勻
點眼要紅加朱砂壹錢

白龍丹 治一切火熱眼及翳膜努肉

爐甘石 壹錢 玄明粉 伍分 硼砂 叁分

片腦 壹分 右研細末點眼

爐甘石散 治一切外障白睛傷破爛弦風眼

療濕熱平風爛住痛明目去翳退赤除風大

效

爐甘石 壹錢 片腦 壹分 黃連 貳分

右製甘石貳兩以黃礬壹兩黃連伍錢煎濃
汁濾淨投入甘石內曬乾以汁投曬盡為度
依方秤合和勻研為細末乳汁和調勻用鴨
毛刷爛處 又方以覆盆子根皮即甜勾根
洗淨砍爛取汁和乳汁調刷爛處大効

紫金錠子 治一切眼疾不分遠年近日諸般
翳膜血灌瞳仁努肉攀睛拳毛倒睫積年赤
瞎暴發赤腫白睛腫脹沙澀難開眵燥緊澀
怕日羞明眵多眵淚爛弦風痒視物昏花迎

烟淚出目中溜火諸般目疾

爐甘石

黃丹

各半斤

黃連

另研

朱砂

各壹兩

當歸

硼砂

各半兩

海螵蛸

白丁香

白礬

生

礪砂

輕粉

貝齒

真珠

石蠟

熊膽

乳香

沒藥

麝香

各壹錢
貳分半

片腦

貳錢其片腦久留恐去
氣味宜臨用時加入

右除腦麝外餘各另製為末秤合和勻入黃

連水礪至千萬餘下日乾次入麝香研細羅

過又次入片腦再研復羅入後膏搜和作錠

子陰乾

黃連

壹斤

當歸

生地黄

各肆兩

防風

黃檗

龍膽草

各貳兩

蕤仁

半兩

訶子

捌枚

冬蜜

捌兩另熬
酥乾為度

鵝梨

捌枚
取汁

猪胰子

肆枚以稻草
擲洗去
膏膜乾淨無油為度

再用布包
搗爛入藥

右將黃連等捌味洗淨剉碎以水浸於銅器

內春五夏三秋四冬七濾去滓以滓復黍水
熬叁次取盡藥力以密絹綿紙重濾過澄去
砂土慢火煎熬槐柳枝各肆拾玖條互換一
順攪不住手攪盡枝條如飴糖相類入蜜和
勻磁器盛放湯瓶口上重湯蒸頓成膏復濾
淨滴入水中沉下成珠可丸爲度符數日出
火毒再熔化入末和勻杵搗爲丸錠陰乾金
銀箔爲衣每以少許新汲水浸化開鴨毛蘸
點眼大背內又可以熱水泡化洗眼藥水冷

又煖洗日洗伍柒次日點拾餘次大效

熊膽膏錠 治風熱上攻眼目昏花眵多曠淚
眵燥緊澀痒極難忍努肉攀睛泌澀難開翳
膜覆瞳目眦歲久赤爛俗呼爲赤瞎是也當
以稜針刺目眦外以瀉濕熱如倒睫拳毛乃
內瞼眼皮緊當攀出內瞼向外以稜針刺出
血以瀉伏火使眼皮緩則毛立出翳膜亦退
一切目疾悉皆治之

小治
爐甘石

陸兩

黃丹

叁兩

黃連

壹兩

當歸

朱砂

硼砂

各貳錢

白丁香

海螵蛸

白礬

生

輕粉

各壹錢

乳香

沒藥

熊膽

麝香

各伍分

片腦

壹錢臨時加入

右除腦麝餘各另製細末秤合和勻入黃連末當歸古朮調勻綿絹濾淨去滓入末礪至千萬餘下曬乾入麝香礪極嫩羅過次入片腦礪勻復羅却入後膏成劑

黃連

半斤

龍膽草

防風

當歸

生地黄

各貳兩

訶子

剝枚法

蕤仁

貳錢半

鵝梨

肆箇取汁

猪胰子

貳箇同前製入

冬蜜

貳兩同前製煉

右黃連下玖味洗淨剉碎以井水浸於銅器內或磁器內春伍夏貳秋叁冬柒日濾去滓以滓復煎叁肆次取盡藥力以熟密絹開綿紙在上濾過澄清去砂土慢火煎熬槐桑柳枝各肆拾玖條長壹尺攪不住手互換攪盡枝條待如飴糖相類入蜜和勻磁碗盛放湯

瓶口上蒸頓成膏復濾淨滴入水中沉下成
珠可丸為度待數日出火毒再融化入末和
勻杵為丸錠陰乾金銀箔為衣每以少許井
水化開鴨毛蘸點眼又以熱湯泡化洗眼
開明膏 治眼目昏花視物不明或生雲翳白
膜內外障眼風赤冷淚一切眼疾

黃丹 貳兩

青鹽 伍錢

海螵蛸 飛

朱砂

硼砂 各壹錢半

訶子 貳枚去核研末

冬蜜

肆兩熬一大沸去沫取淨者

槐柳枝 各肆拾玖條

右將蜜煉沸濾過磁器盛放湯瓶口上入甘
石黃丹訶子蒸熬紫色重湯頓成膏槐柳枝
一順攪不任手互換攪令條盡滴水不散
為度再又濾淨入後膏和劑

黃連

研末貳兩羅過細

槐柳枝

各伍錢

右入水貳大椀熬壹椀濾去滓以淨汁再熬
稀稠得所入蜜藥和勻磁器盛頓湯瓶口上
重湯成膏放在地上數日出火毒次入前藥
末攪勻點眼昔人曾以此藥救人大効

消翳復明膏 治眼目昏花翳膜遮睛内外障
眼一切眼疾

黃丹

壹兩

青鹽

貳錢半

海螵蛸

真珠

各柒分半

熊膽

麝香

各貳分

片腦

伍分臨時加入

訶子

貳枚去核研末

槐柳枝

各肆拾玖條

冬蜜

熬壹沸去白沫濾淨肆兩

右將蜜和黃丹煉至紫色旋下餘藥熬至滴水沉下成珠為度除腦麝成膏後入

黃連

貳兩半

防風

當歸

龍膽草

生地黄

各伍錢

木賊

白菊花

各貳錢半

麩仁

壹錢

杏仁

伍分

右如前煎熬成膏入蜜和勻磁碗盛放湯瓶口上蒸頓成膏濾淨入腦麝和勻點眼又以熱湯泡化洗眼

爐甘石膏

治眼目昏花視物不明

爐甘石

代赭石

黃丹

各壹兩

冬蜜

捌兩

訶子

貳枚取末

槐柳枝

各肆拾玖條

右為細末入黃連水再礪至千萬餘下却以

夕治 類方七 頁三

蜜煉去白沫入末同熬成膏柳條攪不住手
濾淨入後膏子和劑

再以黃連研末 壹兩入水於銅鍋煎熬成膏濾去

滓取淨入前蜜藥磁碗盛放湯瓶口上蒸頓

成膏槐柳枝一順攪不住手互換枝條攪盡

濾淨出火毒點眼又以熱湯泡化洗眼

夜光膏 治赤眼翳膜昏花餘證同上

黃丹 肆兩 爐甘石 貳兩 青鹽 陸錢

鵝梨 拾枚 取汁 冬蜜 壹斤 煉 壹沸

右將丹石礪細末以青鹽另礪末却將鵝梨

汁和蜜熬稀稠入甘石黃丹煉紫色次入青

鹽熬勻槐柳枝攪不住手入後膏和劑

黃連 捌兩 當歸 貳兩 訶子 四枚 大核研末

猪胰子 貳箇 如前搓洗

右各洗淨碎剉水浸叁伍宿濾去滓以滓復

煎取盡藥力以熟絹綿紙濾淨澄去沙土慢

火煎熬以槐柳枝各肆拾玖條一順攪不住

手待如飴餈相類濾淨入前蜜藥磁器盛放

卜台 頁三

湯瓶口上重湯頓成膏候出火毒每以少許
點眼大眦以熱湯泡化洗眼凡修合眼藥宜
臘月妙正月十
一月次之
餘月不宜

黃連膏 治目中赤脉如火溜熱炙人餘同上

黃連 捌兩 片腦 壹錢

右以黃連去蘆刮去黑皮洗淨剉碎以水參
大碗貯於銅鍋內煎或以磁器內煎用文武
火熬減大半碗濾去渣以查復煎濾淨澄清
入薄磁器盛放湯瓶口上重湯蒸頓成膏熬

熔再復濾淨待數日出火毒臨時旋加片腦
以壹錢為率用則酌量加之以少許點眼大
眦內又方加熊膽蚌蛇膽各少許更妙

又方

黃連 捌兩 杏仁 菊

梔子 黃芩 黃

龍膽草 防風 當歸

赤芍藥 生地黃 各壹兩

右以水煎濃汁去滓再煎濾淨碗盛放湯瓶

口上重湯蒸頓成膏滴入水中可丸為度以
陽丹收為丸臨用加片腦少許研和以井水
化開鴨毛蘸點眼

又方

黃連

雞栢根

各多用

地薄荷

田茶菊

嫩栢葉

苦花子

苦參根

地胡椒

七層樓

地芫荽

千里光

即黃蛇草各等分

右以水煎去滓濾淨復煎候汁如稀飴樣入

冬蜜相停即以碗盛放湯瓶口上重湯蒸頓
成膏入陽丹壹兩和勻更入朱砂礪砂各壹
錢片腦麝香各壹分為妙

日精月華光明膏 治翳膜努肉諸般眼疾大
効

爐甘石

黃丹

各捌兩

菘豆粉

炒黑肆兩

黃連

壹兩

當歸

朱砂

礪砂

玄明粉

決明粉

各貳錢

輕粉

白礬

生

白丁香

海螵蛸

自然銅

礞砂

各壹錢

熊膽

乳香

沒藥

鷹條

雄黃

青鹽

膽礬

銅青

牙硝

山猪膽

各貳分半

麝香

伍分

片腦

壹錢

樟腦

半錢

又方有貝子

煨

貝齒石燕石蠟

水晶真珠瑪瑙琥珀珊瑚

各壹錢

若加此玖

味要去菜豆粉不用有豆粉即半真半偽

右各另製細末依方秤合和勻礪至千萬餘

下熟絹羅過入後膏子成劑

雞栢根

壹斤

黃連

半斤

龍膽草

黃檗

生地黄

苦參

各貳兩

大黃

黃芩

梔子

赤芍藥

防風

菊花

玄參

當歸

各壹兩

羌活

木賊

蒺藜

連翹

蔓荊子

細辛

川芎

白芷

各伍錢

夜明沙

蛇蛻

蟬蛻各貳錢半又方福建地有後拾壹味草藥

在內用之効速他處無此草藥不用亦効

苦花子 地薄荷 地西瓜

田茶菊 七層樓 千里光

鐵梗子 地園菱 地胡椒

蛇不見 水楊梅根皮以上各生採名壹握搗爛另煎

取農汁入前藥同煎成膏 冬蜜半斤

右各洗淨剉碎入井水於銅器內浸三宿慢火煎熬濃汁濾去滓以滓再煎再濾慢火煎

熬槐柳桑枝攪熬如飴餠入蜜和勻更入羯

羊膽雄猪膽各貳枚和勻磁碗頓放湯瓶口

上蒸成膏復瀝淨滴沉水中成珠可丸為度

待數日出火毒再溶化入諸藥末和勻杵為

丸錠陰乾用金銀箔為衣每以少許井水化

開鴨毛蘸點眼又以熱湯泡化洗眼大有神

効

碧玉散 治眼睛腫脹紅赤昏暗羞明怕日癢

澀難開疼痛風痒頭重鼻塞腦鼻痠疼翳膜

努肉眵淚稠粘拳毛倒睫一切眼證

躑躅花 腦荷 羌活

川芎 細辛 防風

荆芥 蔓荆子 白芷 各壹錢

風化硝 石膏 煨 青黛 共六分

黃連 各叁錢 鷲不食草 叁兩

右為細末吹鼻中壹日吹貳次

乳香散 治內外障眼攀睛瘀肉倒睫拳毛翳

膜遮睛一切目疾

防風 荆芥 川芎 白芷

細辛 藁本 羌活 白菊花

石菖蒲 天麻 蔓荆子 瓜蒂

赤小豆 漢防已 兔絲子 穀精草

自然銅 製 鬱金 當歸 石膏 煨

乳香 沒藥 雄黃 蛇蛻 炒焦

蟬蛻 炒焦 穿山甲 燒 鷄子蛻 燒 腦荷 各伍分

麝香 片腦 各半分

右為細末每用少許吹鼻中

吹雲膏 治視物睛困無力隱澀難開睡覺多
眵目中淚下及迎風寒泣羞明怕日常欲閉
目喜在暗室塞其戶牖翳膜遮睛此藥多點
神効

黃連 叁錢 麩仁 各叁分 升麻 各叁分

青皮 各肆分 連翹 各肆分 防風 各肆分

生地黄 壹錢半 細辛 壹分 柴胡 伍分

當歸身 各陸分 生甘草 壹錢 荆芥穗 壹錢 取濃汁

右剉除連翹外用淨水貳碗先熬諸藥去半

碗入連翹熬至壹大盞去滓入銀盞大
火熬至滴入冰成珠加熟蜜少許熬勻點之
金露膏 除昏退翳截赤定疼

麩仁 搥碎 黃丹 各壹兩 黃連 半兩

蜜 陸兩

右先將黃丹炒令紫色入蜜攪勻下長流水
肆升以嫩柳枝伍柒莖壹把定攪之次下麩
仁候滾拾數沸又下黃連用柳枝不住手攪
熬至升柒捌合罇籬內傾藥在紙上慢慢滴

之勿令塵汚如有瘀肉加硃砂末壹錢上火

上慢開入前膏子內用

龍木論云患傷寒熱病後切不可點恐損眼也斯言可以為藥禁云

寶鑑春雪膏 治風熱上攻眼目昏暗痒痛隱

澀難開多眵淚羞明疼痛或生翳膜

黃連 肆兩判用童便貳升浸壹宿去黃連以汁焙甘石

南爐甘石 拾貳兩煨用黃連汁淬

硃砂 壹錢細研水調在盞內頓乾為度

乳香 燒存性 烏賊骨 燒存性 當歸 各叁錢

好黃丹 陸兩水飛

白丁香 半錢 麝香 輕粉 各少許

右各研另貯先用好蜜壹斤肆兩煉去蠟却

下甘石末不住手攪次下丹次下諸藥末不

住手攪至紫色不粘手為度搓作挺子每

用壹粒新水磨化時時點之忌酒濕麵蕎麥

點眼金絲膏 治男婦目疾遠年近日翳膜遮

睛拳毛倒睫黑花爛弦迎風冷淚及赤眼腫

痛努肉攀睛

硃砂 研 晉礬 研 青鹽 研 各壹錢 乳香 好者細研

片腦

研各貳錢

當歸

剉淨洗

黃丹

研各半兩

黃連

壹兩

右用好蜜肆兩除片腦外和柒味內入青篁竹筒內油單紙裹筒口伍柒重緊繫定入湯瓶中文武火煮壹週時取出劈破新綿濾去藥滓方下片腦和勻磁瓶收貯再用油單紙伍柒重封繫瓶口埋露地內去火毒候半月取出每用粟米大點眼

龍腦膏

治遠年近日翳膜遮障攀睛瘀血連眶赤爛視物昏暗隱澀多淚迎風難開

爐甘石

不以多少揀粉紅梅花色佳用甘鍋子盛煨柒次入黃連水淬柒次

黃連

不以多少搥碎水浸一宿去滓將煨紅爐甘石淬柒次同黃連水細研飛

過候澄下去上面水暴乾再用乳鉢研極細羅過用參錢

龍膽草

不以多少洗淨用乾不見火研末壹錢

桑柴皮

羅過貳錢 黃丹 羅過半錢

右同白蜜肆兩壹處入在黑磁器內文武火慢熬以竹篦子攪如漆色不粘手為度切勿犯生水仍不用鐵器熬藥藥成依舊以磁器盛頓每用如阜子大新冷水半盞化開先三

夕治
日不用每日洗數次無妨藥盞須用紙蓋不
可犯塵灰截赤眼極効

散血膏 治赤腫不能開睛痛熱淚如雨

紫金皮 白芷 大黃

薑黃 南星 大柏皮

赤小豆 寒水石

右為細末生地黄汁調成膏敷眼四圍

又方用生田螺肉生地黄同真黃土研爛貼太

陽穴 又方用黃丹蜂蜜調貼太陽穴立効

又方用 南星 地黄 赤小豆

右研爛貼太陽穴

清涼膏

生南星 薄荷葉 荆芥

百藥煎 各參錢

右為末井水調成膏貼眼角自然清涼

洗眼方 治昏膜止疼去風

秦皮 杏仁 黃連

甘草 防風 當歸鬚 各等分

夕治

滑石

少許

右為水壹盞煎至半盞去滓時時帶溫洗

又方

銅綠

半斤

爐甘石

壹斤

黃連

黃芩

黃檗

各壹分

右將前貳味同碾細末羅過將後參味濃煎調末為丸臨時用將冷水浸開洗之

雜病證治類方第七冊

